



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnia huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

XX. Peccatum originale an sit substantia?

urn:nbn:de:hbz:466:1-11726

IV. DE NATVRA
PEC. ORIGINALIS
ET POENA.

QVÆSTIO XX.

Peccatum Originale an sit substantia?

1. MATTH. ILLYRICVS Lutheranus finxit ista: 1. Peccatum generatim est ens trahicendens: speciatim pertinet ad prædicamentum substantiarum, aliaque aliò. 2. Pec. orig. est substantia; & substantialis imago diaboli: 3. Vnde anima rationalis per id substantialiter est corrupta, & ex imagine Dei in diaboli imaginem transformata, non mutata solum.

2. LVTHERVUS in Genes. c. 3. *Sicut iniustia orig. fuit de essentia hominis: ita peccatum quod successit, est de essentia hominis.* Idem in Psal. 50. *Fatuus in vtero, antequam homines esse incipimus, peccatum est. Massa, ex qua conceptus sum, tota est vttio & peccato corrupta.*

3. WIGANDVS contra Illyricum disputans ait Pec. orig. esse rem ream, & scholasticos dicentes Accidentia corrupta, non substantiam, vocat Sophilias. *Hebdomas*, antagonista Illyrici, ait, substantiam per pec. orig. corruptam esse, id est, imaginem Dei veram in diaboli imaginem. Sic Luthe-rani plures. *Kemnit. in eff. 5.* ait totam massam animæ extremitate corruptam esse &c. Atque iste est Manichæismus.

SVADEBAT Illyricus istis. 1. Scripturæ in describendo p. or. vtuntur verbis substantiam significantibus. Ut Gen. 8. *Figmentum cordis humani malum est ab adolescentia.* Rom. 6. *Vetus nos-ter homo crucifixus est, vt destruatur corpus pecca-ti.* Ibid. *Non regnet peccatum in corpore. &c.*

2. Pecc. orig. est fons omnium peccatorum; quia Rom. 7. operatur in homine omnem concupiscentiam: at huius fons Cor est: Vnde Matth. 15. *De corde exirent cogitationes mala, adulteria. &c.* Cor autem est substantia; ergo & peccatum originale.

3. Peccatum est omne quod cum lege pugnat. 1. Ioa. 3. at homo totus cum lege pugnat; nam *Caro concupiscait aduersus spiritum*, Gal. 5. id

est homo totus concupiscait: quia *quod natu est ex carne, caro est.* Ergo totus homo est peccatum, & contra.

4. Imago Dei in homine est substantia eius, non accidens: quia *Creavit Deus hominem ad imaginem suam, quæ est substantia:* Ergo & imago diaboli est substantia: At homo per peccatum amisit imaginem Dei, diabolique induit. &c.

AUTOR. Peccatum est priuatio & defectus, non substantia, aut natura aliqua.

1. Teste Scriptura in meo *Antichri-stop. 4. q. 13.*

2. Teste & Symbolo Apostolico, *Credo in unum Deum, sc. solum substancialiter iustum: at Illyrico mentes humanae & angelicæ, ut post lapsum sunt substancialiter iniusta, seu diaboli; ita ante lapsum erant substancialiter iusta: ergo tot antè erant Dii, quot mentes iusta; proinde non unus Deus.* Item, *Credo unum Creatorem: at si peccatum transformet mentes in diabulos; ergo multi sunt creatorum transformantes substancialiter.* At hic Manichæismus est. Item *Incarnatus est de Sp. S. Anima humana si est peccatum, tunc Christus vniuit sibi peccatum, dum Humanitatem assumpsit.* Item, *Resurrectio est eius, quod cecidit; sed substantia hominis cecidit;* ergo si haec tota sit peccatum, peccatum quoque resurget: quod absurdum & impium.

3. S. Patres reclamant apud Bell. L. 5. c. 2. damnantque Manichæum dicentem *Malum esse substantiam.*

4. Ratio reclamat multiplex. Si enim peccatum corrumpit animam, ergo haec foret corruptibilis; Ergo alius

substantialiter Adam fuissest post lapsum, quam ante fuerat. &c.

DICO AD I. Scripturā figuratē loquitur, cum de peccato verbis substantiam significantibus vtitur; sic Cor est cogitatio cordis; *vetus homo* est *vetus*; *corpus peccati* est congeries peccatorum; &c.

AD II. Fac ista ita esse; non sunt tamen: nihilominus non sequitur, peccatum orig. aut concupiscentiam esse substantiam, seu fontem omnis peccati.

AD III. Kemnitio insolubile. At pugnanscum lege Actio est accidens, non substantia; & accidens priuatum, non posituum, id est earentia restitudinis. Et actio non est homo agens: quare nec peccatum est homo peccans.

AD IV. Imago Dei est natura animæ; & ea non est amissa per peccatum, aut transformata, vt Origenes errauit: teste Epiph. her. 6. 4. proinde nec peccatores gerunt naturam diaboli.

QVÆSTIO XXI.

*An peccatum Originale sit
Actuale?*

LUTHERANI multi aiunt, nilque distinguunt: vt Lutherus in Assert. art. 3. Impossibile ait, vt fomes sit absque actuali peccato. Ibid. *Originale peccatum, ut omnia peccata, ita & incredulitas est.* Art. 2. Fomes, seu Concupiscentia est peccatum orig. In Gen. 2. *Pec. orig. est incredulitas, desperatio, &c.* Ideo fomes est verè peccatum actuale.

Melanch. in Lōcis anni 1522. *Pec. o. est nativa propensio, & genialis impetus & energia, qua ad peccandum trahimur, propagata ab Adam &c. Scriptura non vocat hoc orig. hoc actuale: Est enim & orig. pec. planè actualis quedam cupiditas.*

Kemnitius ad sess. 5. pag. 456. Similiter primum mentis in utero motum esse rem malam; vt & deliberatus.

AVTOR. Pec. originale non est actuale: Nec infantes concepti vel nativum habent mentis seu bonum, seu malum; neq; vel primos motus. Quia S. Aug. l. 1. de pecc. merito. c. 35. ridet Pelagianos quosdam, id fabulantes actualia esse peccata: vt contrarium Scripturæ, Rom. 9. Cum nondum natuissent, aut aliquid boni egissent, aut mali, sc. Iacob & Esau. Deut. 1. Filij, qui ignoranti distantiam boni & mali.

Sed variant ideo, dicuntq; ; p. o. est actuale, i. actualis priuatio seu defectus rei, quæ debet adesse, sc. iustitia or. i. & actualis positio infirmitatis, & aliorum affectuum, quæ deesse debent. Rechè hoc; male istud, *Pec. orig. est actuale.*

QVÆSTIO XXII.

*An reicta ex pec. orig. Vulnerasini ipsum
Originale peccatum, ac damnent;
nisi Deus ea non im-
putet?*

LUTHERANI, itemque CALVINIANI communiter affirmant. Lutherus in assert. art. 2. Melanch. in Lōcis. Concupiscentiam naturā suā esse reatum ait. Sic & Kemnitius, ceterique communiter.

CALVINVS, Inst. 2. c. 1. §. 8. Sic definit pec. or. Hæreditaria natura nostra prauitas & corruptio, quæ primum facit reos ira Dei; tum etiam opera in nobis profert, quæ Scriptura vocat opera carnis: